



UPA 2014/150.1

23. april 2014

Kalistat Lund

Aningaasaateqarfiup aningaasaataasa ilaannit procentit qassit ukiu-mut atugassiarineqarsinnaasanersut erseqqissaavagineqarsinnaaq-qullugu Aatsitassarsiornermi Aningaasaateqarfik pillugu Inatsisartut inatsisaannut nr. 6, 5. december 2008-meersumut allannguutissamik saqqummiussinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq, Naaja H. Nathanielsen, Inuit Ataqatigiit)

Inuit Ataqatigiit sinnerlugin Inatsisartunut ilaasortap Naaja Nathanielsen-ip aatsitassarsiornermut aningaasaateqarfiup siunissami qanoq atuiffiusinna-nerata ersarissaavagineqarnissaanik Naalakkersuisut suliaqaqqullugit peqqu-neqassasut siunnersuutaa Inuit Ataqatigiinnit isumaqatigaarput.

Inuit Ataqatigiinni tunngaviusumik isumaqarpugut aningaasaateqarfik inat-sisitigut qulakkiikkamik ikersisimaffeqarani matoqqasuunera qularnaarne-qartariaqartoq, tassaniimmammi aamma aningaasaateqarfefeqarnerup isu-marbiaa.

Aningaasaateqarfiup inatsisaani aningaasanik aallerfiusinnaaneranik amma-titsisoqassappat aningaasaateqarfiup isumaa katanneqartussaavoq. Aningaa-saateqarfik qajannaatsumik sinaakkuteqartariaqarpoq naalakkersuisuusar-tussanit nikerartunit ilanggartuiffigineqarsinnaajunnaarlugu.

Pisuussutit nungukkumaartussat isertitsissutigineri kinguaariinnit ataavartus-samik isumalluutigitinnejassappata aningaasaateqarfimmik qularnaarinnis-sutissaq tassaavoq inatsit, inatsit aningaasaateqarfiup imaqrnerulernis-saannik periarfissiiviusoq atuiffigineqarsinnaanneranillu killiliisoq.

Aatsitassarsiornermut Aningaasaateqarfiup imaqrnerulissutigiumaagaannik kinguneqartussamik aningaasaliissuteqartoqassatillugu, Inatsisartut immik-kut inatsisiliornermikkut ammaasivigiuarsinnaassavaat aningaasaateqarfim-miit aningaasaliisoqarsinnaanerata pisinnaanissaa.

Inuit Ataqatigiinnit pingaartilluinnarparput aningaasat aatsitassanit iseru-maartussat kinguaariinnit tamanit iluaqtigineqarumaarnissaat, tamannalu pisariaqartoq aningaasaateqarfiup aningaasaataasa erniaannik taamaallaat atuisinnaanikkut.

Taamaaliornikkut aamma qularnaarneqassamat nunap aningaasaqarnikkut
ineriartornera nakkutigineqarluartumik aqunneqarsinnaasumillu pinissaa.

Taama oqaaseqarluta siunnersuutip aappassaaneerneqannginnerani ataatsi-
miitaliami susassaqartumi suliareqqaarneqassasoq kissaatigaarput.